

彊靜齋

國學萃編

第二九期

四六

順德溫肅署

第二十九期

國學萃編

沈庚藻著



捐助社費

芳名

以收到先後為序凡未交款者概不刊登本報助捐

左仁山先生助洋十元

左綏民先生助洋十元

著涪吟社第五十七課題目

花農值課

詩題 感懷 七律二首不限韻

詩鐘題 卞玉京 太白酒樓 分詠體

限三月拾五日截卷外省展限十天卷交本社童補蘿代收

陶庵加課題目

陳冕溟加課

題畫墨蘭 題畫墨竹 每題作七絕四首不拘韻以不連實為是

限三月底外省一律截止分榜揭曉贈彩從豐務請

海內名家不吝珠玉廣錫佳章揭曉後自備郵費寄呈彩品以便寄彩

卷寄北京崇文門外高家營北口陳宅交鄙人手收

定閱萃編諸君鑒 取者散社定章先費閱實因股本無多藉收閱費以資周轉今年已出三册業經送閱矣售價仍照去年每册

凡向代派處轉印者
不得再有入折之扣

大寄者無論全年二十四册大洋二元八角五分
 郵資者無論全年二十四册大洋二元八角五分
 仍預定半年九扣實收大洋二元五角六分
 諸君卓酌按期奉上是所至盼
 詩鐘鴻雪集出書啓
 今選其佳者刊為此集現已印成每本售大洋貳角
 印無多欲購從速
 香痕奩影集出書廣告
 去冬天寒暑短排印未齊今重加校對原印成書
 購所集者各題辭一冊不取分文原券附贈
 原券寄下即贈此集壹元五角郵費加向本社
 極精定價大洋壹元五角郵費加向本社
 續徵道同而下香豔七律詩啓
 繳稿姓名住址書成後交郵局有簿是爲切禱
 繳稿姓名住址書成後交郵局有簿是爲切禱

星

豐源印書局承印

劫非所以得人也君又倡鄉人之氣日撓州縣之柄搢紳之士濟濟翼翼各
 威其鄉陵富挾貴仲尼曰不患寡而患不均不患貧而患不安此數子者非
 均安之政也內視民則覲顏而疾首外以待寇岫嶮無處君之軍若肱贅而
 匏繫泛江海而無維楫尙將欲截亂息民乎非常者非常人之所能爲也可
 與言而不與之言孔子曰爲失人君何不爲非常之功使言者無失人之過
 親利害料大計必厚集其陣而重固其本今之軍本務於籌餉取於官而不
 給仰於民而損下因循需時供張不周則萬事不立愚以爲今之財有三可
 惜而戰士之餉不與焉一曰官吏二曰團練三曰防堵官吏之弊易知而可
 言者也今自倡行鄉團之說民無盜賊之累而先有團費之擾一甲出穀數
 十石一邑一歲率斂穀數千石人置竿木家縣布旆號爲一團強而後入籍
 未聚而求散此微論賊至一夫妄號而千團瓦裂矣故團之效可昭昭而親
 然而日費唇舌坐銷錢穀歲一斂聚民不堪命一縣之費大者數萬少必數

千徒足以供酒食耳木已朽也又交斧斤而伐之財已乏也又多門而出之川已竭也又四注而泄之下以團練耗鄉里上以防堵便州縣必數局局必數十人器械火藥鉛黃之制薪水鹽米之額采買者割腴而饕餮坐食者日領而月支一聞寇至各鳥獸散一聽寇去則蟻慕而盡聚矣陵民而飽奸積貨而齎賊財用坐窮曾不之覈但無請餉即足以報最而顯能矣粉飾之弊釀如今日事窮勢迫猶固結而不悔委過盜賊歸於天數不遏其源而欲抑其流豈不哀哉今請一切罷捐輸釐金鈔票官錢之法而專務田賦兼行官商則弊輕而可久何以知其然也夫有國者積弱不足以行苛政欺民不足以取小利故今日言利之術惟有理其常稅而已丁漕常賦本給國用分應不足專顧有餘試合一省計其要隘多者十餘少乃四五地廣不百里而屏帶數州守險而重扼之險內可無事帶甲而安枕也兵廢不用而虛支浮領此其尤耗費之尤者也今誠豈意練勇要在選兵擇壯汰老皆爲可用明

實設罰士新耳目然後合計守戰分屯四境重餉厚犒軍無留賞江西一省收貨自供歲可養五萬人湖南收資自供約歲養三萬人戍邊保堅互相戒軍多或七八千少亦三四千人人不憂食餉不外取彼束於法制故可籍而統也嗜于利觀于賞故效死而勿去用力專故守嚴守嚴故備不分備不分故他不擾虛名之圖不必練奉行之局不必設懲貨不易市農女不綴素彼各有所恃也夫如是督民納稅不爲急利除吏之蠹取其正供催科易爲力名減而實增矣省轉運之勞無請餉之奏 主上無外顧司農無仰屋事使而權重矣各守其疆專任牧令足兵足食嚴罰從其後而人自爲守矣警勢絡繹互爲其援軍氣百倍內變不訂以其暇修飭器備訓練卒徒日增新兵以休戰士師日益力而軍法行矣進可以縱橫趣利退足固守賊無所掠扼要而制其命計長久待可進安民志而不致於人矣江漢既清九江復歸兩湖之粟方貯而下三楚之銳超距而赴章貢之縱橫期而屆三江之地寸步

而守斯要據而形便本立而輪張招徠鄰封開通道路權貨而行官商以有
易無以私濟公萬民熙熙不知苦難起上游而權東南勢無便于此者然而
茲事體大非刀筆之所謀也難端鉅而格例甚雖勇者固不肩之方今潯陽
泝江殆千里蘄黃各縣毗安徽截補殆二千里袁瑞橫延界及甯崇亦不下
一千里茶陵迤西巴陵迤北又各數百里今辰沅又見告矣兩湖江西中間
不合如彌數千里中枹鼓日夜相戒而君以二萬人縣其一角君又不急取
創夷改弦而更張之重樹其本日繼其力即下九江君當何從出師若分水
陸趣安慶取驛道持樞糧入重地賊飲壁而守坐食一月挑戰不得轉運無
出士卒自潰取食江西則江西謝責取食安徽而安徽陷破猶將回潮厲兵
孤注決勝明示必死如項羽鉅鹿之戰乎君必不能也若越長江悉樓船專
力水戰駕航衝波陵濤馳驅以合江南之軍登陸不能戰舍舟則死是百湖
口之危也君又不敢若任賊突犯獨守己軍就糧而食規利而進武昌魚爛

南昌戰栗桑梓呼救告急之書移日夜相望廷寄督責執而無屈士卒皆鄰
人悲歌思歸進即俱敗不進不可猶能制命專主如亞夫之委梁上抗天
子下扞物議孤守其見以必奇功君又不能也君若棄水軍爲奇兵改道繞
州冀通池甯婺源源奇險坎坷塗間軍無裹糧之便將有輿轎之費睥睨虛道
以試奇策此慮勝而諱敗瞻前而忘後也君必不敢也然則湖北不清江西
不平即君之軍一日不可得出今不資三省以爲本即將何歸君徒欲博後
世之名以一身嘗天下事耶夫事有必至理有固然猶諱而不言坐待時變
避難直言羣疑衆難交戰而不決外示鎮靜謂有別計此愚之所不敢擬也
今之計必詳奏隱細極言利害陳民疾苦與寇之所以盛乃請聖慮擇親
賢大臣各專一省悉破往例不由部議獨戒堅守慶讓以地保境自給上不
責解一切收令皆得奏用省無益之官練有實之兵上應京師當賊衝者先
審已力乃後合謀出師擣虛而擊又于淮北特設重鎮選常勝之師佐京營

之兵日夜練習使知戰事堅壁積穀以衛中原蘇杭之財以充軍實向張勝
袁以彌空虛楚師虎踞以臨江皖規畫一定賊必歸死即逸而出如釜魚遊
沸羹之中何足慮哉且夫亡羊而補牢執輿謹牧而審育閉戶而拒敵雖與
課戎而疆索損虛名而收實利至便也撥難豎幹慮至遠也民無逃亡狂
而宅壑至仁也連帥控跨帶甲虎視至威也罷賦權停助餉棄椎刀以赤
體至廉也因寇而詰兵申命而彰罰至武也料于未然先發而制之恩自上
出功自下奮至達也兼七策而不失拓萬世之長利康復之望速功名之士
起語曰蝮蛇螫手壯士斷腕其所重在心腹所輕在枝體也故曰失今不治
必爲痼疾今痛未甚于斷腕而治先除于蹊蹙又何苦而不爲此且舍此則
亂爲此亦亂然而前之亂無可制後之爲猶可不亂斯誠志士之所審圖
識之所宜先也若夫抱不測之禍以要毋望之事持不可必之說以緩
上之憂愚竊過之雖然今之言論節下所得言而已固非節下所得爲也夫

政本在樞臣權在督撫不得其位不行其志幸可陳達冀萬一之節而拘奉
文義引廉畏讓蓋亦非節下所自許也抑又聞之言外者其意淺內言者其
思深今闢運所得告節下所得告 天子亦言其外而已術疏識曷得
毋爲深思者笑乎詩曰先民有言詢於芻蕘惟臧省萬一

御夷論一

前人

蓋自黃帝畫野分九州而常有夷狄之患中國之于夷常不敵者勢也必爭
者情也代興者數也絕之者理也御之者術也王道陵遲四夷交侵獸蹄鳥
迹交于中國人皆知敵之強盛而不咎我之衰弱聞敵之術畧而不思己之
闇蔽強者憤懣而不知救禍之道弱者輸服而不知坐亡之慘故自衰周以
來三千餘年三策相乘二道并用曰戰與和而已二者互相替排迭爲其術
當其盛則皆可以善魏絳衛青是也當其衰則同歸於亡衛懿首末是也
戰者政教之末迹靜議者謀國之下道故必先明其致此之由而後智術乃

可言也何以明其勢之常不敵也曰夷敵之患起于我弱我弱之故生于失政夫含生之倫各安其分以習爲性以勢爲用內不強不足以禦外人無禮不可以構隙其尊中國也如天其覬覦也如鬼其羨我土地物產禮樂制作之繁富其欲襲我政事官爵文章之華貴其聞聖人首出諸侯效命則諸侯稽顙求通屬國其有自負強大侵軼邊界則驅之而已奔亡矣是故中國強夷狄弱則秦人置百越之郡中國強夷狄強則漢文爲渭橋之師中國弱夷狄弱則元成受匈奴之朝至于中國弱夷狄強邊患滋多矣且夫弱非無兵也非將怯也非餉餽匱也非城之不高池之不深也主忘其民夷始俘之主棄其地夷始侵之主忘武備將帥敗之主忘求賢謀虜亂之無幸敵弱彼必有余無問寇淺內必盡虛無患犬羊之難馴無祖敵欲之不吝無皇職之失機無惡憑陵之肆威人主聞變赫然奮發于朝之上豈然自責于宮中之內濫蕩蕩算胥與更始主德朝明而夷難育蓬朝政夕清而兵氣且息矣

饋進餐鐘聲出於戶右家在山水習聆清音驟聞鼓鼙殊駭野性綠雪堂集已付手民顧惟駢淺繆與校讎常恐忽疏用負誣諉此公天才踔厲獨有千古但著書盈尺不及手定明公爲梓遺集載發幽光季布一諾重均千金元伯已亡神慰九地視茲風義不後古人星軺何日北指行當買棹金閭一申良覲衽箋思遽未盡願言

復高麗閔翰山侍讀書

長沙周壽昌自卷

前荷枉存藉慰飢渴雖國語難譯重煩乎箋記而光儀載接交暢乎襟靈比奉良書兼貽珍腆甚荷甚謝大藁覽諷數四無題諸作摩壘玉溪悅懌欽遲情有無量竊謂此體發源國風沿波漢魏六朝而降下逮溫李增華益妍濫觴斯極然而玉臺本事典型具在手揮目送言近指遠是以屬辭比事匪皇考之惑聽諧聲定律無妃豨之警牙青衿之咏佻達而意存學校芍藥之期相諶而義取祓除故命曰無題而言成有則蓋必負沈搏絕麗之才異翰張

姚冶之習極纏綿悱惻之致遠狄成滌濫之音使後之人讀詩而推其隱論世而感其遇凡勞人思婦之有作實忠臣孝子之寓言以此稱詩其猶殆庶匪比諸小夫浪子流連光景無義心與古骨徒回腸而盪氣也僕少耽此事壯輒悔之比所錄存刪汰過半年衰才退近作日少特以駑馬窘步幸識途於既老反舌善鳴迺無聲於在冬敢以芻言聊當石錯

與合肥李相國書

前人

捐別之後載賢寒暄思念云勞未能忘弭閣下神策內運壯猷外昭中岳惟嶽生申甫而作翰北門之管非寇公其何屬故能六師孔武羣帥無爭熊羆之士渴賞而爭先狼豕之羣歸義而恐後近者兇渠困於地險醜類懾於天誅斯 國家威靈之所加亦相公臨履之所致也壽昌樛材拳曲徒長乎十尋鉛刀手操未聞於一割楊雲於以客嘲賈傅因而太息旅進旅退良有愧矣然使竭鄙思紀芳烈承嘉惠銘大勳蒙也不才斯猶能信世無機雲未

敢焚此筆視朝有李郭每遙盼其旌旗崇德懋功無任祇祝

重修悅城龍母廟碑

南 譚宗浚 叔裕

易曰立天之道曰陰與陽以亨毒而滋生陰以斂擊而成物是故地麗也毓富媪以蕃釐月闕也緝常娥而炳照星名寶婺光輝騰華渚之芒風號少姨曠喻動靈囊之氣亦有天孫織錦電母揚鞭瑤姬降而神雨來玉女披而香霧集斗何爲而稱靈姥虹何事而號美人碧漢候於黃姑元霜飛於青女自非神功不測馮翼無爲何以宏覆露於羣生贊陶甄於大造也乎謹案德慶州悅城龍母廟者隋某年所立也歲紀屢更軒楹猶昔相傳神姓溫氏秦時康州人素以捕魚爲業留魴釣鯉放蠅拘蠅春泛桃溪秋潮荻港徘徊近浦殊漢女之弄珠容與中流類越人之擁楫嘗偶於水濱得一巨卵拾而藏之等城臺吞虬之徵譬河叟探蠶之獲未幾果育一小龍出入相隨匪朝夕擾馴性適非同攫璧之蛟哺養恩隆或等銜環之雀岐岐脈脈宛宛延延

浴修尾而黑髮波翻涼飛鱗而金烏日麗故比操蛇之帝時象育於青蛇何殊跨鯉之仙恆追隨乎赤鯉俄而陰雲四合雷雨晦冥岸坼林昏江翻石走迷濛黑霧疑變化於陶梭呀呷紅波似飛騰於雷劍絕塵埃而遠逝非關胎孫思邈之方排闥闔而上征似欲送成安公之駕時威觀一龍攫擎上空而去氓庶異焉厥後蕉實告殂芳魂已渺擬掩蛾眉之魄將營馬鬣之封條焉列缺騰銳豐隆震杼石移武擔土運黎津巨柱飛於開陽蟠枝來於合浦飛沙浩浩則壅從襄國故城巨碣峨峨則徒自耆闍舊窟翌日來觀者咸見高冢屹然不勞版築護墳虎伏銜土烏傷蕪蕪已銷誰知寡婦之穴松柏森拱云是淑人之邱雖誕比螺亭亦哀同燕冢昔有山名烏弔悲吹淒涼亭觀鶴奔靈魂變幻怪偉之迹先後同符己由是蠻蜺驚傳黎儀什舞川原禁火苑為介妹以興祠港渚迎潮共憫曹娥而建祀每當早魃為虐甘霖未臻此邦之人是禱是近神人四梓頓湧靈泉帝女三驍飛笑電散元駒於溼垣期

穹

峙

石燕於中林噓朽櫓以重生潤枯莖而更茂荆祠靈霖無所假於施鞭蜀市滂沱曾不因乎噴酒茲非吳窮終祐靈貺靡涯者歟外若泮柯一水匯注南溟萬舶雲趨千艘雨集管寧渡海有神光引導之奇顧愷浮江無破冢破驚之累斯神之利濟也西潦頻年懷襄告警波濤倏退井邑無虞鄉號更生里名長樂雖河傾酸棗偶勞辜峙於芻茭而埭比甘棠終見豐穰於黍稷斯神之捍災也沿江萬家閭閻櫛比崇禩悉應疵癘不生驗雞骨之卜以占祈禱鷓樓之船而報賽妖邪悉避無邛亭驢鼠之災怪診全消絕熨道蠶蛇之蠱斯神之佑民也昔歲潯梧荏苒肆擾神威默相次第就平甲伏疑趨弓刀自動控銀槍而拒敵羣欽虞寨靈神著金辰以呼羣應少趙家老嫗斯神之盪寇也其稟靈也若此其昭應也若彼固宜神堂敬祀同波知國之三池仙洞長扁比易州城之四穴沈臺牛之巨册明禋恪奉於祠官駕飛虎之高航報祀長虔於海賈齋脂靡較俎豆維馨者已或疑神晦迹生前降靈身後迹鄰

詭誕事涉虛無殆莊叟之寓言等虞初之臆說殊不知空桑誕育毓神姿於
緣鵠之臣苦李蟠根鍾異相於猶龍之彥彼聖賢之產降亦怪迹以恢奇又
若化蟲飛而惑廩君乘鼈渡而呼河伯蠶叢之國迎五婦而峯摧豚水之旁
應三郎而浪湧凡諸靈異多在遐陬以至博考元經旁稽逸竹媧何功而奠
鼈北極嫫何巧而造繭西陵姑泉何應於絃歌女水何關於運會居湘靈於
湘水何降諸而聞素瑟之彈宅巫女於巫山何尊江而助黃麾之績何津名
妬婦何溪號小姑何蠶孃微末而稱神何鹿女聰明而獲祐何琅琊新婦留
搗練之寒砧何蜀國佳人簪開匳之石鏡何海填怨女何山負夸娥何祈禳
而術紀紫姑何導引而靈通素姹何東吳少媛化形而昇茂苑之烟何東海
婦人迂道而免灌壇之雨何鍼神擅巧敬邀乎蓬萊織女之車何瓦卜占豐
爭拜乎禾穀夫人之祀斯皆屈平所問鄒衍能談匪盡屬乎譚言久已傳爲
故事豈若楚南之俗謨祀杜姨猺洞之中謬祠譽女沿訛襲誤荒遠難稽者

渚

哉屬以星霜屢易棟桷全傾爰庀工徒更加畚揭其地也遙峰遠揖頗類盤
蛇淺瀨平連偏宜拾翠泉鳴似玉何殊仙女潭邊石峭如帆即是聖姑崖畔
層樓巖巖絕磴迢迢香雲擁而似護秘書明月臨而宛銜寒燭千櫺鶴跂輝
水墨於泮妃萬拱虹連飾丹青於殿妹韓臺紫蜨更集珍林秦館丹鸞遙棲
玉樹婉妘下視眺清曠於朱鳥之窗察治旁趨奉神語於青牛之帳則有板
搖木蛭魚婢蚩奴備致涓誠虔申芬霽隨獻環於猿女偕奉穀於鮫人繡銀
旛而號祀姑扣銅鼓而歌憐妾炮簧奏響阿鸞解鳳之音嬋鼎升香澤雉江
魚之味啓金屏於四葉繡羨眉孃奏琅曲於九成調傳毛女濯氛潔淨則華
岳輸其玉盆飾像莊嚴則洛川貽其珠珮但見夫羣真綵繡衆媵媵娟駕白
虎兮睽翠螭曳荷衣兮地蕙帶水仙侍座金母張筵招姪女於西河候神君
於南岳玉蘭仙媛辭秘館以來儀茉莉夫人降靈山而赴會授綠籍者九河
之姥陪紫幘者八座之神語其仗衛也則郭密吹璫王登擊磬語其儀飾也

構

容

則子占貢粉與贅調脂迎麻姑於賣酒田邊迓菊媪於披香殿裏結緒風迴
 白雪有劉三妹之清歌焉梢浮雲彗流星有董雙成之絳節焉洞洞乎屬
 乎信回皇而詭變吁可畏其駭人也下官言返故園式瞻崇構果李衛公之
 祠華岳自感泥塗同王子安之過馬當默祈靈祐肅伸誠悃敬薦馨香并勒
 元文鐫之貞碣將使碣苔斑駁永留保母之甄遙知山木蕭慘長護女郎之
 廟銘曰
 厥初生民悠悠上古地可撫輪天客倚杵履武徵嫫感精誕禹異迹紛傳靈
 蹤就睹其一惟神粹德毓美炎州妖姿似儷介節瓊儔薄言往釣于彼中洲
 扣舷狂渚鼓棹清流其二異彼圓瑩遺於沙瀨煜若文玼粲如美貝于以藏
 之維篴及笥精感蠶同氣成蜃類其三方頤嶄角巨尾長鬢濯泉偶浴絳木
 恆垂如依夏御似起唐池風雲感會霧雨奔隨其四疇昔之年霆飛電掣鯨
 吸波翻鱗移樹折玉鏡天昏銅磬地裂遽化葛陂言辭茅穴其五劈山倏立

晦僧文略卷二

孟子王略

孟子之起俗今山東曲阜縣西邑鄆人也幼孤所至輒效其上受業子思之門
 人學成而足行其志魏惠王方徙大梁迭敗於齊秦梁聘之乃至梁見孟子之
 也王曰何利吾國抑安所利哉此七國之利也終則內相利而國安則私利後天下利相安一
 利而無不利則公而義則無私然後天下利相安一惠王不能用乃非君去之
 所以稱王也始於襄而惠稱乃為追證後儒疑之夫孟子獨稱侯其書尚在去齊之後
 至齊宣王問以桓文之霸孟夫子出春秋時而告以王且深斥管晏之卑而不屑道
 迨戰國而王室益微齊威王一出朝周遂稱王號義固與周絕矣孟子雖聖
 安能使宣王號以臣周譬若近時大國求如乾嘉時朝貢中華其可得哉
 此迂儒之所以宣王列之三卿孟行在耳非有權也而亦不能行其說
 更七年齊伐燕滅之乃亟去史記稱孟子至齊而後至歸鄒而鄒魯戰作有
 己叛鄒之魯而平公往見矣不用乃亟歸斷以天此即其行狀也滕鄒西小

州府滕縣也交公獨師之然國小不能竟其謀也故卒為宋滅蓋其生平大略如此夫

孟子既稱王道宜乎其說周矣乃獨僕僕齊梁者何哉曰大亂之世義主保民能保民則王不能保民則雖號為王終且不能自保故曰民為貴社稷次之君為輕且王者天下之公器周既不能自振矣有王者作其尚能局局於春秋尊王之故說哉然則其將何以處周也曰三恪之封二子之後有自來矣此豈一家之私物哉曰其必媻媻於齊梁何也當其始也秦已用商鞅奪魏地魏都大梁扼南北之衝文侯尊禮之風高於天下用魏以聯諸侯則關東可保鄒魯晏然幣聘之來焉能不往然惠王既弱故言王道之始未敢以王期之也齊則居泰山之東其勢足助諸侯而無秦患威王自立史稱諸侯皆已朝齊史記孟子列傳語也故毅然動之以王而且管晏何也權齊人之困於此也已七千乘故其言肫肫以保民為急曰然則齊而苟王其將並黜諸王使歸侯服乎曰王道苟行諸侯且共尊為帝矣尙安能與六國並王哉曰孟子言湯武以

小國而王乃獨不能用滕者何也曰夏商之衰桀紂之暴當時列國割據未

成夏之昆吾葛伯商之密須崇黎皆未成也故用兵較易一除桀紂天下咸歸孟子則七王建

國本皆勢皆不可動搖雖有湯武即安能以小國為霸王之事哉此其所以

眷眷於齊也孟子游說戰征孟子所深關也王齊之策其將不征乎曰否

徒耳伊尹之就桀呂尚之伐商彼豈獨非說與征哉曰關草萊而賊之何也

賊之何也曰惡其用賊而忘秦禍也蘇秦之從約彼亦何嘗關之哉

周秦外禍

治國之法必先內而後能治外用兵之術必先外而後內可無勞荀子之論

兵也曰無威內而輕外蓋兵者威天下以保吾民非以威吾民者也故威而

不用則其威益廣自黃帝高辛帝也大封諸子於南北要荒之地北狄者黃

帝也當時固無中外也及夏桀放而其子乃為商亡而箕子復創朝鮮周亡

今齊高辛子也後詳而秦伯既降東吳其後更開日本顯項之後乃成俄國遠而秦之

之祖為蜚廉漢李陵降匈奴且王丁零至今乃成俄國遠而秦之唐虞以降不勤遠略史家無識不居中土輒以夷狄斥之而外爭

之禍烈矣古者生民之初皆夷域也義農未出中國之大何一非夷何也無

化皆黃帝驅帝粥而封親藩殷高宗伐鬼方或曰青海南而諸侯自服周武

王之起也也髮也庸也蜀盡銳東征而商始滅宣王伐西戎驅嚴

猶淮徐江漢乃底蕩平春秋之世北狄內侵首亡衛國山戎南牧更掠齊疆

列國紛爭內訌益烈當時秦楚吳越實皆中國之遺文物之興實高中國迂

儒泥古乃斥爲夷不知連四國以尊王室故其氣愈激其國益強獨齊桓創
霸逾二十年首伐山戎厲兵朔漠南歸八載始會召陵不戰屈人遂威荆楚
桓公初伐蔡侯忽言伐楚此固攻其無備也然以蔡姬之嫁而伐蔡不幾爲夷狄笑乎晉文之霸破狄納王而後即楚
城濮之役遂震諸侯悼公首和戎狄楚莫能爭故三晉之強首吞北族蓋未
有不戰其外而能制其內者然春秋外族狎處王畿其禍猶淺七王內殺諸
族潛銷而匈奴始盛燕趙之君不知結匈奴以襲其北而徒闢其疆楚臣百
越據巫夔秦得而楚復用越取之轉令秦得蜀巴拔夷陵不知用黔越以入蜀漢此其
坐亡烏足怪哉獨怪始皇雄略日伺山東亦不知遠叩虜庭宣威漠北強胡
既滅席捲南征列國之君且將不戰而自服不悟出此徒令上將精兵自殘
同族六王駢首胡虜益強轉令太子親臣將大軍三十萬築長城以驅外寇
外啓戍兵之亂內開篡弑之門而秦滅矣

乃愈殊亦或遇創獲孤怡慰積痛閒復及百家流覽息我劬有生秉孤尙誰
能惑他塗

庭樹葉盡落上承月與霜銀燭與相映內外通清光茶鑪養餘火風簾敞虛
廊曠然無一物星斗在我旁遂教肺肝榮清新發文章嘯詠一俛仰天地相
低昂豈不患饑餓明晨尙無糧此樂足予餉進修安其常霜厚宿鳥噤吾亦
夢禮堂

街頭叫賣物果餌醢餠雜以乞兒呼月慘聲彌高驅車忽雷動隱鱗一何
驕上者走貴要次亦競酒肴苦樂雖云別身心同其勞亦有就燈火高視羣
兒曹搖頭誦帖括攘臂談風騷生死囊馨吐納儕儻其間稍才俊大言
益囂囂碑攤漢魏字器列商周朝問以五經目茫然墮雲霄人憐不自惡
名忘中枵在冉歲華逝姓名吹枯蒿同有此夜月萬竅爭謹號閉門不相聞
凍竹風蕭蕭

昨日 中旨下率錢修離宮讀 詔私太息此舉宜從容 聖人秉純孝不
暇權始終長樂樓百尺積慶花千重取重天下養承歡良無窮四海幸平壹
物力猶未充島夷怙羣醜鼯睡長安中誠宜法文景勵治威諸戎安可舍禁
鑰危照甘泉烽臺疏閒一上未得回 宸衷賢傳造辟言 主德本至聰豈
不念民瘼何難罷新豐事關國根本連章期諸公宥官未食祿涕淚徒沾胸
伏闕詎可效草奏誰爲通負此讀書力僅爭章句功漆室夜深議四顧無予
同

譚 獻 字仲脩浙江仁和人同治甲子舉人
官安徽合肥縣知縣著有復齋類稿

放歌 去年九月九日高炳麟昭伯招同龔橙孝拱蔣恭亮寶梅顧鑾子真吳山登
今年九月九日借吳懷珍子珍周炳伯虎朱孝起康卿重游撫時感舊慨

生同鄉縣才同調高生與我年俱少明堂合樂陳清琴宮商異舉非殊音抗
峯高館凌清秋當窗洞壑羅深幽高生擊筑同敖游九日悲歌樓上頭龔生

意氣何雄桀蔣顧詩才亦清絕各有神明兩不疑杯行無算肝腸熱是時木
葉辭枝柯白日下湖湖水波人生哀樂何其多浮雲欲聚如風何風流雲散
須臾事轉眼一年風景異草木今年更變衰登高無復當時意山鬼悲嘯如
可聞嬋娟不下雲中君百草不芳春心死清霜蘭艾誰當分苦爲交游感此
別登山臨水悲秋節無論風塵滿海內咫尺邱山渺難越奮袖起舞歌百年
山靈無恙當我前秋江湖落勢渺緜向人江鳥飛翩翩高生杜門亦已久譚
子行吟良可憐人間何地無重九不醉黃鞠甯非顛人生蓬轉真無權局景
鄉里徒權顏明年此會誰賓主儻憶天涯人未還

古意四首和莊棫

繡轂相逢大道邊朱樓玉佩隔飛煙四方爭點長眉黛百乘誰輸姪女錢朝
朝暮暮看雲雨葉葉華華感歲年願化輕軀作明鏡春風留與正釵鈿
江南蓮葉愁日暮白下柳枝隨逝波樂府魚與歌督護征夫脈脈度交河魚

香侍女調絲管畫閣新人嬌綺羅履迹銷沈知幾日玉階芳草已成科
栽桑東海眞三見種柳金城未十圍侯家歌舞紅塵散天上神仙青鳥稀芳
樹何年生玉砌西鳥一夜竟孤飛明月光光星欲墮景沈積水幾時歸
沈沈少婦鬱金堂書帳茱萸自有芳風管新聲傾下蔡龍城征戍向遼陽桂
華婉變三秋暮錦字迷離萬里長明發東方千騎至含情永夜拂流黃
酒樓同龍陽易叔子中江李眉生

長安市上今宵月不醉金尊可奈何夢裏家山迷近遠望中兵氣滿關河孤
光歷落青天動秋色蕭森白露多便與諸君堪作達玉簫愁倚百年歌

哭吳子珍

人生山海別日夕念所親君子忽淪亡然疑已悲辛既信祇野哭逆旅豈寢
門寒雨尠春氣黯黯太空雲高堂多白髮寡婦猶青春穉子未毀齒無術贖
君身長安有何戀聞見皆傷神憂來多狎游醉飽鑠精魂我今結習盡牙琴

不復陳著書眞旒贅子母惜遺文

我昔長安歸秋風弔袁生臥袁吳爲中表各負俠少名我謂子記室亦呼袁
騎兵袁死子已孤子死我益驚生死凡夫中蒼蒼有權衡但惜二十年苦爲
名教爭推移我嶺外肝府摧已平軍中周伯子病勿乃猶經硜

故鄉忽殘毀

二月辛酉賊陷杭州

羣盜橫戈矛刀光滿城市火雲復浮浮兩家老弱在

倉卒將誰投子家我在遠我家子已休結客雖云多緩急孰與謀重足待消
息奔命還吾州羨子入下泉無知當無憂不能爲國殤七尺眞悠悠
贈符大令兆綸

十年削籍遂初衣伏枕衡門生事微客舍春風常不到故山倦羽幾時歸青
燕千里聞鷓鴣夢雨空林老蕨薇我識虞卿心力勝著書已就自忘機
戴生行送子高之邵武

戴生三載三乘桴海若見之爲歎吁羣飛之水十年不得息關河水陸皆畏

塗君不見譚生風塵玉貌改
僅哉十死完厥軀
杭州再陷亡其孥
鋒刃赦章間居開關南徠
寄生草不得將母魂
九徂陽春恆雨天
蕭瑟鬱鬱浮雲送白日
慘澹麻衣叩門至
握手神驚淚橫臆
江湖義士此然諾
饑寒獨客還家室
妻子蓬蒿仗友生
不然與爾長相失
明月下瑤京
遲輝十二城
身在泥滓中
無由關太清
箕揚斗挹大東歎
滔滔念亂還
憂生汝南周
季子作吏影
華纓陳蕃得徐孺
千載思齊名
送人作郡離亭雨
復送良知適
昭武儒林循吏行
同方東京宗
范非其伍
譚生欲行人
事奪同舟膺
秦徒虛語
獨漉歌
鸚鵡舞悲歡一往
皆塵土
童山日陟門
閭毀朝餐
未覺秋荼苦
我昔揚帆出海東
且覆不見扶桑紅
皇惑萬怪
息聞見曼衍不計
誰魚龍
即今桑田處處變
人事波濤安可窮
暴鯁跋扈等閒事
須臾銷歇隨長風
金丹大藥望可見
欲發秦弩無良弓
戴生行矣歌誰繼
中流一壺那可致
閩嶺東西百仞高
蒼茫合有羣愁地
北風雨雪待我來
携手同行肯遐棄
君不聞築城思堅劍
思利

家

奉贈呂半隱奉常扶母太夫人靈視歸葬蜀中

不忝名卿後雲霄蚤致身
丁年持禿節甲第感歸人
白

髮巴江水孤舟峽草春
艱難扶母櫬此別莫傷神

連雁衝寒雪哀猿動旅魂
到家營大葬何處問中原
涕

淚應難盡松楸不可論
幾時傾灑瀕一洗舊乾坤

劍宜餽米

仁祖馳牋至胡奴送米來
就船分儋石破凍及蒿萊
飢

爨煙初動瘦妻顏欲開
閉門堅坐穩感媿亦非才
陶公有媿

我非韓才之句

梁谿晚泊

飄忽今朝雨風帆溼又乾梁谿行竟日芳草夢多端晚泊窺泉眼幽尋到藥欄雲歸山月皎春色着衣寒

惠山月下看牡丹

名花關月情微雨讓宵明宿槩縈香霧春杯接曙鶯老吟萍泛泛愁別水盈盈遠夢非難作還應繞砌行

荆溪下培蕩田家作

一棹過東沈經旬滯下培水煙侯第宅野寺佛莓苔日
日遭泥飲峰峰送雨來渚花饒逸興相對旅顏開

陽山堰是周處甘草墩

處以母病禱於神夜生甘草

周處家何在荒祠水照門草心通孝理龍眼護雙村

龍眼

橋名野艇尋來遠銅官聳處尊感深非一致愁向酒邊論

張公洞

震雷穿此洞傳自赤烏初石勢當奔峭風威肆掃除
墜魂行共把駭浪聽無虛浩劫迷昏曉神仙豈晏如

天闕洞

虛空翻入地磊落擬天形白日煩膏火餘生識巨靈不
成魚脊險無復虎牙腥淵穆疑宮闕熒然見列星

虎牙魚脊

是張公洞奇險處

一線天

一綫天中水無人亦自竒風雷隨噴薄草樹遍離披濯
足來吾黨尋源昧土宜滔滔終日逝江海定應知

晚泊龍汜

晚泊蕭蕭雨溪流漲石梁鷓鴣偏得意檉柳漫無香陶
器新成美湖田半就荒頻年饒水患吾土最悲涼

吳園看桂同子發

嘉靖八年樹小山叢桂花枝高皆倔强香貴絕繁華塵
海經多故烟雲歷幾家追歡須痛飲觸緒復興嗟

東湖歸自漸水留飲率成

舊是東湖客新游黃海歸英靈收嶽色毛髮辨風威不

覺馳情遠深知造道微鄰家春釀熟索取共珠璣時以珍珠

菜佐酒乃黃山產也

雲逸招集北郊同蒙谷東湖秩三子乘共賦秋野二章

秋到邗江外垂楊應早聞飄零知不免遲暮感何殷孤

鶯窺烟液斜陽寫水紋揮杯期一醉來止客欣欣

于野同人少相邀有五君共諳山水趣不亂鷺鷗羣秋

草吟詩綠湖風過酒醺夕陰沈閣去猶作竹西雲

月下輕雲同其恭賦

雲英將化水光采月邊生落落隨風遠悠悠渡海輕暫
時同旅夜萬里見孤情正有飄零恨荒城玉笛驚

檀林燕思諸子集於芙蓉花下

不復涉江采花間即舊鄉形容誰覺異觴詠與何長豔
質宜臨水嘉名愛拒霜醉來忘路遠欲別戀斜陽
坐文源寶香堂聽雨

昨夜月離畢滂沱今自天高齋疑在野老樹欲崩泉耳
穢差堪洗心愁得暫捐枝間梅子熟悵望又經年
伏日奇寒簡諸酒人

青徐三伏雪淮海一夫寒簡點深春服銷磨渴日餐薰
風行朔氣凍雨卧袁安不有賢人酒將無季女歎
西柯新構落成詩以頌之

洱海鄉心遠蕪城卜築勞堂依春月柳鄰接曲江濤濁
世賢歸酒雄文僕命騷晚吟蟬得意故故作聲高
甯壽堂玩月分荒字呈祚源

人事任枯槁高天月未荒明因連夕雨光被此宵涼庭
樹生秋感風襟適醉鄉深知憐白髮愁絕永相望

前民五律三百餘篇皆意匠經營獨詣絕境之作余
每誦一首心折移時嗟乎此調不彈久矣畫家以神
逸為上品詩亦如之今風雅方興早有江河日下之
懼急宜取斯文洗剔其膏盲痼疾而漸復元氣使心
地清空還思正味耳然則君之為此與余之表而出

之也豈小功也哉 同學王仲儒選并識

前民家本富因江濱腴田數千畝一旦陷沒而仍輸賦數十年以至窮困若此故詩多哀怨之音 又記

石閭集終

宛平英靜齋仿宋鐫

元吉講體統申約束諸將稍不樂而峒帥張安既以破敵立功其諸營亦願受撫甯都鄉紳曾應選請諸朝遣其子傳燦入山招之皆聽命賜名龍武營計日出發下吉安元吉聞峒帥四營之足恃也蔑視瀾廣兵滇廣兵皆解體然張安故蠻寇受降後淫掠自如廷麟嘗遣救湖西所過殘破及大兵逼吉安諸軍皆內携不戰而潰元吉奔皂口部下惟安遠營汪起龍兵三百人閩部蘇觀生發新威營二百人來援元吉以監紀程亮督之守綿津灘無何王師至新威營先潰安遠營繼之元吉奔贛州贛城倉爭竄勢不可止元吉殺其妾之出署者人心少定元吉素有才及失吉安神志惛然且令益嚴日坐城上與將吏不交一言隔河大營遍山麓而指爲空營兵民從大營中至言敵勢盛輒叱爲閒諜斬之既而援師先後抵贛營城外軍聲頗振諸將請戰元吉謂必待水師至並擊之水師帥羅明受者故海盜也兵部主事王其宏言明受桀驁難制若慈母之奉驕子今且水涸巨舟難進豈能如約不聽及

水師至大兵夜截諸江焚巨舟八十死者無算明受遁去於是雲南兩廣軍
皆自潰諸營一空城中惟經部卒四千人城外惟水師二千人而已此詩蓋
作於是時而樓船行所云望公勿用綠林兵者後事蓋逆觀之矣
傅冠死於汀州題壁詩曰白髮蕭蕭已數莖孽寃何必苦相尋拚將一副顛
顛骨留取千秋不貳心又詩云憤血已成空往事徒回首國難與家仇永訣
一杯酒幻影落紅塵倏忽成今古名望重如山此身棄如土
無錫華汝立允誠死於江甯渡江詩云視死如歸不可招孤魂從此赴先朝
數莖白髮應難沒一片丹心豈易消世傑有靈依海岸天祥無計挽江湖山
河漠漠長留恨惟有羣鷗伴寂寥

浩氣吟瞿張二公倡和詩也自序云庚寅十一月初五聞警諸將棄城去城
亡與亡余誓必死荆山張司馬自東江來城與余同死被刑不屈累月幽囚
漫賦數章以明厥志荆山司馬從而和之其一曰藉草爲茵枕由眠更長寂

寂夜如年蘇卿絳節惟思漢信國丹心只告天九死如飴還惜苦三生有石
只隨緣殘燈一室羣魔繞甯識孤臣夢坦然其二曰已拚薄命付危疆生死
關頭豈待商二祖江山人盡擲四年精血我偏傷羞將顏面尋吾主剩取忠
魂落異鄉不有江陵真鐵漢腐儒誰爲剖心腸其三曰正襟危坐待天光兩
鬢依然勁似霜願作須臾階下鬼何愁慷慨殿中狂須知榜辱神無變旋與
衣冠語益莊莫笑老夫輕一死汗青留取姓名香其四曰年年索賦養邊臣
曾見登埤有幾人上爵滿門皆紫綬荒郊無處不青燐僅存皮骨民堪畏樂
妻孥國已貧試問怡堂今在否孤存留守自捐身其五曰邊臣死節亦尋
常恨死猶銜負國傷擁主竟成千古罪留京翻失一隅疆罵名此日知難免
厲鬼他年詎敢忘幸有顛毛留且夕魂兮早赴祖宗旁其六曰拘幽土室豈
偷生求死無門慮轉清勸勉煩君多苦語癡愚嘆我太無情高歌每羨騎箕
句灑淚偏爲滴雨聲四大久拚同泡影英雄到底護皇明其七曰嚴疆數載

盡臣心坐看神州已陸沈天命豈同人事改孫謀曾及祖功深二陵風雨時
來繞歷代衣冠何處尋衰病餘生刀俎寄還欣短髮尙蕭森其八曰年逾六
十復奚求多難頻經渾不愁劫運千年彈指去網常萬古一身留欲堅道力
頻魔力何事俘囚學楚囚了卻人間生死事黃冠莫擬故鄉遊同敵詩自序
云被刑一月餘兩臂俱折忽於此日右臂復能微動左臂不可動矣歷三日
書得三詩右臂復痛不可忍此其爲絕筆乎敢煩留守師寄雪公道公兩師
如荆山之左右手也未署明柱國少師兵部尙書前詹事府詹事翰林院侍
讀學士江陵文忠公嫡孫同敵囚中草詩曰一日悲歌待此時成仁取義有
誰知衣冠不政生前制名姓空留死後詩碎破山河休葬骨顛連君父未舒
眉魂兮懶指歸鄉路直往諸陵拜舊碑

傳鼎錄四月八日被執賦詩云浴佛傳名日孤臣殉節時棘荆羈彩鳳
護靈麒斷頸玉甯碎剖心山不移爭傳巾履 昭取漢威儀見行朝錄

姪十口家萬口從君索餅麩萬口不飽君無財數十之家不舉火君亦一口
張我亦一口哆我食何嘗似君艱我亦一家待君妥玉階仙露三千年一樹
瓊華長婀娜中有彩鸞飛帝膝朱戶沈沈下青瑣君歸休但安坐此邦亦不
謂君情我與君亦暫不餓氣化終留孟賊心聖人豈免昆蟲禍面顏昔枯還
未腴何苦風塵日摧挫

朱又笏寄言謇博詩

朱又笏同年啓勳詩才敏捷學博詞雄有寄懷吳炯齋前輩七古一首余已
錄入第三卷中今趙幼梅刺史又錄示甲午年所作五律四首題爲寄言謇
博徵君並懷范肯堂云明湖今福地陘口古巖疆與子判南北相思天一方
九年勞夢轂萬里走詩囊何日長安道論文共舉觴 慷慨籌邊論賢於十
萬兵罪言成杜牧投筆羨班生燕趙悲歌氣江湖望闕情傳經諸博士未許
抗顏行 聞道三韓地腥風遍海氛旌旗空出塞干羽尙修文涕淚餘吾輩

憂勞獨 聖君樓船傳凱唱祇憶漢將軍 大范吾良友神交淡更眞仲宣
頻作客惜抱有傳人著作歸文苑棲遲託海濱知希貴太璞未肯逐風塵

宋燕生跋吳君遂詩集 吳君遂愍志賦

吳君遂比部傑初一字彥復自稱北山樓主人係吳武壯公長慶之子文章
氣節卓爾不羣比歲余客津沽往來甚洽時有酬唱一日出北山樓詩文一
冊見示均庚子以前作也浙東宋燕生恕有題跋評論君遂各體詩以古人
相比擬謂惟七古體稍遜餘均可傳茲錄其略於後 又君遂於戊戌年作
愍志賦詞響風騷含情綿邈以視漢晉諸賢幽通北征之作有過之無不及
也并錄存之

宋燕生北山樓詩跋 君遂先生北山樓詩五言古體多似陶韋其佳句如
春風惠然來草木日漸蘇讀騷如有會憔悴悲三閭尤得陶髓如久立露霑
裳荒園木葉下尤得韋髓然如緬希箕穎風恐廢君臣倫夜夜望北斗日日

登南樓丈夫七尺身甯欲爲詩囚則子建越石之遺音也五言律體多似少
陵其佳句如高林過疏雨飛鳥逐行雲死生原細事忠孝幾完人江海幾人
去行藏一葉身亦有新亭淚斯人賈誼才尤得杜髓七言律體意境尤高其
佳句起聯如滔滔江漢去何之太息人生亦有涯明主何曾棄不才浩然欲
去復徘徊夜半荒雞喔喔鳴披衣起舞氣縱橫次聯如誰爲天下奇男子臣
本高陽舊酒徒三聯如猛思滄海身如寄起視南窗日已斜且著閒情看落
葉難將幽恨託微波結聯如送君苦憶江南好草長鶯飛二月中皆直逼江
西諸祖然如相逢阮籍開青眼幾輩馮唐已白頭樽空北海狂名在社結東
林壯志非登樓猶自怨王粲鈎黨微聞捕孔褒載酒且過江總宅披衣更上
伯牙臺則天歷十子之遺音也絕句如霜露沾人衣慎莫憑欄久悱惻至矣
如荒村寂寂少人過自起開門看雪山清峭乃爾七言古體似非所長然如
縱不願作八州督亦應讀破萬卷書惟蟲能天各自遂萬物浩蕩春風蘇亦

東坡之勝境也蓋先生以氣節著然發於仁愛之不能自己與彼客氣求名者異其源好談時務然亦發於仁愛之不能自己與彼趨時求利者異其源此詩所以高歎浙東宋恕

附吳君遂愍志賦 溘吾丁茲濁世兮幼埃罪乎京畿皇錫命於深宮兮拜任子乎丹墀匪先人之烈業兮胡小子之能茲既承乏於武庫兮典禁衛之蘭綺追咎繇於司李兮懼職掌之有虧方兢兢以惕若兮指滄桑之潛移哀民牆之盡隙兮就帝闈而陳詞長官初命以陳達兮後悔遜而沮之衆齷齪而多侃兮固世俗之變態予一再而信說兮反齋怒予不速改羌不憫世而念亂兮謂予言高而位卑豈憚殃而遠詬兮亦命怪而數奇匪日月之不昭兮羌浮雲以蔽之匪揭車之不芳兮衆草妒而郭之謗吾粹直之不容兮固被放之所宜苟徇俗而登顯兮又胡以自令放爲迫中國之迤邐兮昔孔欲之九夷朔飽粟而欲死兮綺習芝而療飢性卞急而福淺兮情條佗而弗怡

出國門以南邁兮免黜黜之然疑予既不難夫竄伏兮哀王室之阨危曼菲臺之冥冥兮念報德之無期惜墮君之昭明兮吾雖妻絕其何傷冒斧鑕以瀝誠兮疾予言之不祥愈自私以偷樂兮謂予侈言乎富強塗有餓莩兮軍無餼糧霜霰零悴兮民無蓋藏疇階禍而加厲兮亦謀國之不臧長太息以掩涕兮堪痛哭乎長沙哀江南之卑濕兮終軫念乎國家敢遜世以徇俗兮誦伐木於山中孰不友信而上獲兮孰不得而自充匪翁嫗之嘉命兮安隄穴隙而相從羌無術以銜鸞兮又德醜而媒曷通進退馮其夢筮兮吾將爲大風駐羊而變熊苟不吾知其亦已兮吾甯坎壈而終窮子推隱於山谷兮瞻瑤臺之九重蹇坎壈而失職兮徒僮蹶而涕零悼躄子以弔影兮紛獨翔而離羣督玉石以雜糅兮願終埃夫明君彼鷲鳥之戢翼兮終奮翅乎九州苟聖哲而得路兮吾焉用此慙憂既抒餉以滌結兮又岌岌以增慮夜快快以無眠兮心耿耿而至曙悒時命之迫促兮悼景光之難延顏衛黷以枯索

兮髮盡頽而鬢鬚心煎熬以蓬思兮安敢望乎錫環世推佞以進富兮亦擠
戚而蔽遠鳳不食粒而來儀兮驥不索駕而求服紛難驚與蹇驢兮耽近習
之燕曠鹿求友而鳴呦呦兮矯余舌之澀訥晝曉翳而弄暄兮路悠邈而旬
市聘神州之陸沈兮悲臣離而君子既天梯之不可扳兮願正此心於皎日

易實甫將赴滇南賦詩留別

易實甫觀察順鼎於戊申秋間奉 詔開復原官至冬月除夕 簡授臨安
開廣道都中吟朋咸賦詩爲賀觀察於臨行時賦七古一章藉以留別詩云
昔年除官逢小除今年除夕膺除書昔年一萬五千里今年一萬九百餘昔
雖無母有父在今並無父悲何如昔年四十身手好今年五十已有鬚昔年
兩宮坐便殿今年 二聖皆崩殂撫今思昔歷千變豈免涕泣沾襟裾更
憶 先帝龍飛初我年十八登公車春官六上悉報罷空羨鄧禹兼周瑜乘
圓繡衣著兩載便絕世事歸匡廬沈淵殉母竟不得廬墓三稔悲啼烏墨柱

從戎東海蹈麻衣詣闕西秦趨兩年轉粟備况瘁一官持節經崎嶇債家追
呼星火急欲填溝壑真須吏師門恩重招入鄂自此喘息方徐蘇八旬老父
又見背九江流寓嗟歸歎松楸一築復飢走骨肉幾處空嗟吁豈期延津偶
合劍竟從合浦終還珠羣公念舊足高義投贈往往多瓊琚冰銷雪霽春已
返行且別矣歌驢駒嗟我生平好山水自負足跡窮方輿濶遼瀛獨未到
聖恩李許供馳驅年來刳心事禪悅信知萬法皆空虛惟有悲淚似海水
尙欲立槁同泉魚過家上冢喜得便狐首他日依邱墟還登雞足弔霞客天
風吹我西南隅

劉竹生題趙梅岩遺墨七古

天津劉竹生孝廉實慈熱心教育名譽甚著兼工吟詠與趙幼梅大令元禮
交誼篤摯唱和之作積成卷帙嘗爲幼梅先德梅岩先生遺墨冊子題七古
一首用柏梁體其詞云使君抱負南陽徒衡門罕有人催租傳家券紙勤裝

摹巾箱示我增嘻吁英雄氣短儒冠儒筆耕頑鈍心苗枯豐年白屋憂妻孥
 况茲粒米炊明珠晴窗瀾覽歐亞圖河山溫帶皆膏腴鷹隼視雄國都工
 商經畫崇耕夫幽燕奔注河聲轟魚鱗繡壤荒榛蕪長安萬事愁飢驅雲
 遼海東南輸我懷平谷春泥蘇他年十畝黃茆誅與君農學研專途參稽化
 術民鍼愚神州簸弄憑城狐滄桑逃出儕屠沽清風耕讀良非迂乾坤何地
 桃源無

竹生又因前詩意有未盡更題二首云有書半部君才奇有田百畝君忍飢
 中年回首鴻庭時蓼莪欲廢王褒詩玉魚金盃悲青史滄桑浩劫驚彈指名
 門先澤完一紙自古英雄多孝子其二云剡藤未蝕松煤翠吳興風度銀鈎
 字田園孫子千秋事墨花迸入思親淚君家雞鳳桐陰清並傳寶硯心分明
 諸侯權拜來書城笑人鐵券酬功名

朱次民臨安鎮署感事五首

清無窮御製景陽山亭歌其詞云
 明又云賢王此日多清賞
 涵雲母帳又云滿貯寒瓜薦
 疏影華月輝星歌瓜薦
 山行吟客曰尋香日幾回
 廖道楚客曰尋香日幾回
 迎六飛復紀天順四年英皇
 之詩和氣九宸於帝親撰
 詠王述猶微惟吾皇祖親撰
 及漢水諸直君所可企及哉
 姬美豈漢唐諸君所可企及哉

憲宗

憲宗諱見濟初名見深英宗長子建元成化在位二十三年崩葬茂陵

有詩集四卷

名山藏志宗時御翰墨作為詩賦以賜大臣諸司章奏手自披閱字畫
 差錯亦蒙清問臣下莫敢欺欺
 小珮網憲廟御筆皆神像及金瓶聖盤天縱自各極其妙也
 御製成化四年六月孔弘緒具表謝十二年祭酒周洪謨請加孔廟
 田景瀟瀟出塵宛然勝國氣修廟成茂陵御製文並系以詩八月

豆詔從之增為十二遺學士商翰告文廟王獻告於國里余檢與寬
菴家藏集有曲阜重修夫子廟詩云於廟皇明建國十紀文教其
及遠自邇明聖得師企乃道願尊司乃鳩役使乃樂有禮粉其羽
鐘此器數尚愜仰企乃道願尊司乃鳩役使乃樂有禮粉其羽
修闕崇厚剏苑苑詩中以完漫以司乃鳩役使乃樂有禮粉其羽
重門崇厚剏苑苑詩中以完漫以司乃鳩役使乃樂有禮粉其羽
修闕崇厚剏苑苑詩中以完漫以司乃鳩役使乃樂有禮粉其羽

孝宗

孝宗諱祐楹憲宗長子建元弘治在位十八年崩葬泰陵有詩集五卷

翰林記弘治初上注講學遣太監戴義傳示聖意命學士李東陽等
各撰詩十首用寓啓沃東陽擬題各撰七言律詩一章曰敬天曰法祖
曰勤政曰務學曰任賢曰納諫曰節用曰愛民曰恤刑曰講武上嘉納
焉志居詩話泰陵聖學輯熙德修時教非惟政事之勤實啓人文之化
靜永樂大典於便殿聖學輯熙德修時教非惟政事之勤實啓人文之化
置李東陽詩中吟一首論者謂同二帝典讀三王訓語焉
蓋史會要孝宗萬幾之暇遊筆自娛點刷精妍妙得形似

世宗

世宗諱厚煜興獻王子憲宗之孫武宗無子入繼大統建元嘉靖在位
四十五年崩葬永陵有詔學詩一卷宸翰錄一卷詠和錄一卷詠春同

德錄白鵲贊和集一卷

名山藏世宗中興八服元正夕臣道南應制燈高帝十五首以進
殿閣一記嘉靖開建慶萬陽嘉與民豐九令七月敬一亭成上
軒製從雲黃道同秋萬歲物阜與民豐九令七月敬一亭成上
親車從雲黃道同秋萬歲物阜與民豐九令七月敬一亭成上
復命儒臣落成賜宴進詩十首親演鐘粹宮賜命和之賜以綉有差臣和
之命儒臣落成賜宴進詩十首親演鐘粹宮賜命和之賜以綉有差臣和
書山堂別集廟詩送之嘉其止書龍目御墨詩之賜以綉有差臣和
實趙世之盛初政每於萬幾之暇喜為詩命大學士費宏楊一清更
野或御製詩成令二輔臣屬以進時命大學士費宏楊一清更
定不為詩遂章宏賦一元詩進呈以爲曲景清不問而所出聖製漸
愧矣上嘗命一清似賦一元詩進呈以爲曲景清不問而所出聖製漸
秋矣上嘗命一清似賦一元詩進呈以爲曲景清不問而所出聖製漸
矣聖姿不遑窮神知化耳及信乎非一清所及也惜爲瑯華所掩使天
縱多能不遑窮神知化耳及信乎非一清所及也惜爲瑯華所掩使天

神宗

神宗諱翊鈞穆宗長子建元萬曆在位四十八年崩葬定陵有集一卷
野獲編今上以冲聖御宇張江陵相公進帝鑑圖說以勸導內列聖哲
芳規任愚視轍二項以寓戒自是益勤史學更命進講真觀政要至

十六年閣臣進太祖御札在內閣在凡七十餘通上命留內恭藏因索
宜無底稿惟皇祖世宗特命皇史宬以藏列聖實錄實則但冊樣備廣
石室之藏俱登乙覽矣初即位好為大書內使環立求書者數十紙
于外廷臣僚得受賜者惟內閣講官而已字畫相君曰新講官二人尚
十餘歲矣丙子張公位及慎行補入講官二幅賜位及慎行字畫比賜諸
未賜與大莊內使前御齡已十五矣二幅賜位及慎行字畫比賜諸
臣者稍大莊內使前御齡已十五矣二幅賜位及慎行字畫比賜諸
月云詩談輪月其維光皎深可比聖人心乾坤多照徹帝王氣象宛
然益朝詩集上天漢飛翔留心翰墨特携大令鵬頭九帖虞世南
臨樂論米芾文賦以自勵學詩一章御書賜珠囊繡几未嘗一日去
也內府藏顏魯公書孝經命江陵相裝璜題識珠囊繡几未嘗一日去
左有吳道子畫精采映發手若未觸天球瓊瑤零落人間矣
章有吳道子畫精采映發手若未觸天球瓊瑤零落人間矣

莊烈帝

帝諱由檢光宗第五子天啓七年以信王入踐大位建元崇禎在位十
七年寇陷京師殉社稷葬思陵

離作矣君資志以歿其遺書猶有存者今年再過令子叔向
虎文同父及其猶子巨手布席行觴不勝山陽懷舊之感爰
作長歌以貽之兼
以告草堂之靈也

秋涇橋下東流水年年動地悲風起孤鴻飛度草堂寒一片朝
霞暮山紫憶昔甲申三月中我來落拓游春風故人留我夜抵
足疎鐙燄續桃花紅扁舟方繫門前柳辭君欲向江東走青草
茫茫蕩子心少年意氣垂雙手臨岐電勉留須臾見我巢中三
鳳雛阿咸英子更奇特草堂照耀驚天吳木蘭之楫波浩浩單
衫急漿山陰道忽聽越市子規嗥已知王屋蚩尤掃空留老淚
泣重華千里催歸似喪家愁對鴛鴦湖上月與君隔絕天之涯
梁臺陳殿蘼蕪綠後庭唱徹烏孫曲楚囚相對雙鬢凋銅駝鐵

馬天山哭聞君只採首山薇籬下虛生幾叢菊麥秀歌從土室
哀黍離痛絕周原卜哲人云亡日影移椎秦復楚知何時神仙
富貴兩難得漸離擊筑爲君悲君之季子來白下麻衣露肘哀
言瀉媿我家無擔石儲未能日日傾三雅契濶又經三四秋今
年重遊湖水頭殘鐘敗葉西冷路咫尺相望元龍樓是時偕行
有仲氏珠林玉樹枝相樛嵬峩高士吳巨手對我炯炯凝雙眸
風塵如此亦何損男兒悔不封公侯我還病卧天寧寺桂華香
發烏皮几伯氏仲氏偕季來翩翩過我披芳葢又復招我坐草
堂霎時促具兼行觴淚濕橫林思謝朓心傷舊笛悲稽康楊柳
可能容此傲竹林益復知余狂銷魂落魄念知己泣然淚下沾

衣裳三子努力各自策草堂依舊生顏色玉鑿冰壺照秀州尊
前醉殺山陽客

聽鶯堂歌爲徐朱草作

朱草忠襄公虞
求先生之子

城頭河水秋且涼丹楓紅葉沾立霜舟子招招須我友西風縹
緲吹衣裳躑躅欲往視天宇仰見雙雁高飛翔到門寒草絡兩
槩東籬松鞠森成行芙蓉初發色爛熳方池曲沼蒹葭蒼石壁
蒨蒨卷雌蜺遶屋蟋蟀吟風篁公子裋褐鬚眉古置酒邀我登
斯堂衆賓羅列此州彥言論丰采生輝光龍文虎氣驚四座閉
門投轄傳飛觴鶯肪雁炙鱸魚膾烏菱白藕沙橙黃諸公意氣
傾斗酒我亦奮袖歌低昂憶昔承平國未變賤子猶及師忠襄

是時官爲京兆尹考鐘伐鼓衡文章砥礪謬獲千金賞每從萬
仞窺宮牆泊乎正位大冢宰曾効一得資勳勳豈知醜徒亂天
紀老成斥逐奔踰跟後庭玉樹翠華遠胡笙羌笛悲齊梁包胥
七日哭未得黃冠那肯歸故鄉傳聞一旅出鴛水舉烽血戰多
殺傷日蝕星殞鼓聲死身騎箕尾翳鳳凰嗚呼丈夫誓許國河
斜斗轉森光芒公子漆身閉土室紉蘭珮蒞遺芬芳臣忠子孝
理無二精靈直可披天閭賤子窮途易感激擊筑變徵歌發狂
天運消盈雖有故志士安可摧剛腸落日放船凌倒影魯陽尙
得揮扶桑黃鵠一去適醉飽仰天長嘯歸滄浪

雲間沈爾調寫老樹道人顧曲圖歌

道人家住大江東門前老樹盤松風篔有藏書不肯讀不識一
字如童蒙山高水深似太古褰裳從之涉秋雨仰天問天天無
言若爲楚歌吾楚舞楚歌楚舞時往還鶯嗁花落愁空山那得
哀怨若此曲此曲傷心構絲竹丈夫意氣何時無折腰齟齬胡
爲乎不如雙鬢一笑娛我老却向堦前玩芳草玉簫吹徹萬峯
寒漢魏齊梁忽如掃偶然遊戲學小兒胸中消息人不知百年
三萬六千日日日大醉凭蛾眉閒將雙眼照四海四海尙有英
雄在紅粉青袍白鳳皇御風騎氣推吾輩雲間沈生善寫眞筆
端造化妙入神須臾阿堵動光彩寫出江頭顛顛人誰家零落
桃花女不嫁娉婷共誰語分明爾汝爲情痴天上流雲向何處

將相神仙俱等閒黃金鍊成買朱顏留侯鄴侯何足道直挾董
許遊人間君寫此圖爲余壽富貴浮雲亦何有莫作尋常圖畫
看且進花前一尊酒

題道開所贈錢舜舉畫二喬圖歌

君不見喬公二女流東吳遂歸公瑾與伯符兩人爲婿足歡樂
年少英雄真丈夫君不見曹孟德名爲漢相實漢賊銅雀臺高
千尺餘春深鎖閉無顏色又不見錢舜舉丹青畫出雙雙女錦
茵羅袂交頸眠一片芙蓉逗秋水又不見鳧谿僧雲心鐵骨冷
如冰等閒拾得蛾眉樣不許相如聘茂陵嗟余流落江湖客禿
頭蓬鬢兩腳赤踏翻海窟眞珠飛欲換佳人在今夕古來萬事

及曝尤善也據詩白華管分
疏爾雅釋草疏引及毛本改

蘇蔓于野

蘇似栝樓葉盛而細其子正黑如燕奠不可食也幽州人謂之烏服毛本無
州字丁

本有烏服詩
緝引作烏服其莖葉繫以哺牛除熱

匪莪伊蔚

蔚牡蒿也三月始生七月華華似胡麻華王丁本華此字爾雅
釋草疏引及毛本有而紫赤八月

爲角角似小豆角銳而長一名馬薪蒿

隰有萋楚

萋楚今羊桃是也一名銚芑各本奪此句葉長而狹
據詩緝引補葉長而狹詩緝韻會引作葉如
桃而光尖長而狹華

紫赤色其枝莖弱過一尺引蔓於草上今人以爲汲灌重而善沒不如楊柳
也近下根刀切其皮著熱灰中脫之可韜筆管

芄蘭之支支毛本
誤作女

芄蘭一名蘿摩幽州人謂之雀瓢丁本奪人字爾雅釋蔓生葉青綠色而厚

斷之有白汁詩緝引作摘食之甜脆各本奪此句驚為茹滑美其子長數寸

似瓠子王本奪蔓生以下文毛本有王本別有柔弱蔓於

浸彼苞稂

稂童梁禾秀為穗而不成莠然謂之童梁今人謂之宿田翁或謂守田也

大田云大田各本譌不稂不莠外傳云丁本作云馬不過稂莠皆是也

言采其蕞

蕞牛蕞今人謂之羊蹶各本作揚州人謂之羊蹶齊民要術引似蘆菔而莖

赤而莖赤詩緝引可淪為茹要術詩緝引滑而美也要術引作多啖令人下

氣氣要術引幽州人謂之蕞揚州謂之羊蹶句一名菘各本奪此句

浸彼苞菁

菁似蘊蕭青色科生

手如柔荑各本無此條今據倭刻

正月始生其心似麥欲秀其中正白長數寸食之甘美幽州人謂之甘滋或

謂之茹子比其秀出謂之白茗也

月四秀蕞各本無此條今據玉

夏小正四月秀幽幽蕞同耳即今為莠也遼東謂莠為幽莠

椅桐梓漆

梓者楸之疏理白色而生子者為梓梓實桐皮曰椅今人云梧桐也今人注續

引引民則大類同而小別也桐有青桐白桐赤桐有白桐二字毛本無宜琴瑟

今雲南梓柯人績以為布似毛布布大觀本

有條有梅

條楮也今山楸也亦如下田楸耳皮葉白色亦白亦字詩終南疏爾雅釋木

亦白葉材理好宜為車板能溼又可為棺木宜陽共北山多有之共詩疏引梅

樹皮葉似豫章豫章爾雅疏引及丁本卷上二葉大如牛耳一頭尖赤心華
赤黃子青不可食枌葉大可三四葉一藜木理細緻於豫章子赤者材堅子
白者材脆荊州人曰梅終南及新城上庸皆多樟枌終南詩疏引有劉字
終南山與上庸新城通各本卷山字故亦有枌也

北山有枌

枌楸屬其樹葉木理如楸山楸之異者今人謂之苦楸溼時脆燥時堅今永
昌又謂鼠梓今毛本誤漢人謂之枌

常棣

常棣許慎曰白棣樹也如李而小如櫻桃正白今官園種之官爾雅釋木
有赤棣樹亦似白棣葉如刺榆葉而微圓子正赤如郁李而小五月始熟自
關西天水隴西多有之

爰有樹檀

成樓紅漢家陵闕三分盡秦國河山一炬空銅狄依然悲索靖金門何處老
揚雄愁心莫望咸陽樹萬葉歸鴉噪晚風偶成云衆芳已歇鷓鴣鳴歲云暮
矣秋風清娟娟絃月獨相照落落尊酒誰同傾江海欲濟舟楫缺鴻鴈不來
之子行百年貧賤我生慣但感羈恨傷人情復有和陶詩一卷余愛其歸園
田居云殘暑夕猶溽殘星晨未稀起尋釣魚石坐待新涼歸初陽生水田高
下明僧衣水禽亦吾友誰謂同心違讀山海經云孤松生錢來不屑三春陰
皎然冰雪姿衆綠方辭林我欲臥其下一聽寒濤音及茲攬宿莽共勵凌冬
心差得淵明意境

夢湘詩以廬嶽集雄渾開岩得山川之勝五七古如入一綫天觀竹影石青
蓮谷訪太白讀書堂登五老峯觀雲氣歌登漢陽峰絕頂等篇皆可傳之作
摘其警句如魚嶮金藻合龍沒紺珠圓天垂吳楚盡地逼斗牛寒鳥聲穿樹
合人影度溪長牛歸雙柵靜螢坐片衣涼嶺雲晴吐絮湖水細浮花雲端五

老低頭拜天外雙霄比翼趨月如破壁檐牙墮春似浮花酒面生天清僧梵
流音遠夜靜巖霜壓夢濃丹碧高低村外樹笙簫嗚咽澗邊橋巖頭看瀑飛
花疾谷口探雲剖瓠圓均憂憂獨造不屑拾人餘瀝前人作廬山詩如太白
東坡僅寥寥數章夢湘作守南康深入勝境逾年得詩數百首茲山靈秀悉
于卷中蘊之前賢畏後生其以此歟

易實甫觀察亦有遊廬山詩紀其棲賢澗石歌云棲賢澗谷有奇石倒臥青
冥神所擘鰲背驚翻海水飛龍髯陡接天雲立奔霆日夜搖撼之萬古空山
皆霹靂跌勢紛如矢墜空涓流巧作珠穿隙其旁清穩百盤陀倚澗臨流可
粵席水石相遭豈不平自從天籟發噌吰道人兩耳癡聾久問是水鳴還石
鳴試撫孤琴動山響方知水石兩無聲萬杉寺五爪樟云萬杉化去無一杉
惟有寺前老樟在樟分五體共一本身歷百齡更千載旁達澗壑根已深直
干霄空氣不餒雲垂太陰逗雷霆風翻白石動光采危柯半入煙冥冥細葉

還鋪雪皚皚化人偉奇丈六身猛士雄健尺八股全張數爪鱗之而俯視衆
木形傀嵬古來賢豪誰撫摩其人已死不相待惟有五老之奇峰共對青天
無倦怠雖言乾坤要支柱未免得罪庸與猥下穿已愁傷富媪上拏又恐妨
真宰獨立無及大哉警衆人皆忌甚矣殆自恃刀斧莫能久皮堅有類披鐵
鎧大材詎肯腐山林神物猶思避菹醢吾聞豫章生七年便可與龍鬪滄海
何況此樹世希有壽過凡樟逾百倍願爲樓船擊西夷知君九死終不悔諸
作爲南皮樞相所激賞謂頗似杜韓抑或似蘇洵然又青玉峽龍潭詩警句
誰云一泓窅百寶可沐浴倒穿大瀛底日月入亦綠奇闢可喜

雙聲疊韻之學近世詩家多不講及夢湘廬嶽集中二首頗佳云一葉翳煙
隱洗心宵象虛山深數松瘦江靜幾家居鶴化後何恨魚遊依有餘月圓如
欲語楚澤此躊躇宿昔心相惜招招之子舟衰形欷泣血去畎悄清秋旅燕
應如麗黃花合號侯高岡故關隔老淚落南樓按是體始于漢魏六朝人多

件

藉以爲唱和庾信詩云貴館居金谷關局隔藁街冀君見果顧郊間光景佳
高階既激瀾廣閣更交柯葛山久乖角菊徑簡經過唐溫飛卿亦仿爲之如
李先生別墅望僧舍寶刹云栖息消心象檐楹溢豔陽簾櫳蘭露落隣里柳
林涼高閣過空谷孤竿隔古岡潭庭同澹蕩髮鬢復芬芳後東坡亦有此體
即戲和正甫一字韻詩是也未二語改更勾格各蹇吃姑固狡槍加開關閒
關二字混疊韻而非雙聲未知蘇本有訛誤否

近人張四梧作五字疊韻詩有彎環關山間募霧護數樹之句頗能融成一
片與前人屋角鹿獨宿溪西鷄齊唳句不遑多讓按梁武帝嘗爲詩云後牖
有朽柳命朝士同作劉孝綽云梁王長康強沈約云偏眠船舷邊庾肩吾云
載父晦礙埭徐摛云六斛熟鹿肉何遜云曠蘇姑枯盧吳均沉思良久竟無
所成帝不悅俄有詔云吳均不均何遜不遜宜付廷尉事見堯山堂外紀
可庵部郎定信吟卷甚富余曾晤于沈太伴席上其人和藹可親李景卿極

賞其無題詩兄弟不知還唾笑姑婢雖拜未分明之句今獲窺全豹律體學
蘇陸力求雋上所謂不肯放鬆一字作詩者也紀其歸自翠微途中云入郭
騎兼步停鞭晚渡津九關交錯路萬壑獨歸人石齒城銜日船唇水咽春出
山流縱潔終近 帝京塵遊西山過村居云數里看山色蒼茫日未曛雨添
村外水天接樹顛雲鷄黍春醪熟蠶桑午餽殷無言人境外草木亦欣欣與
成子蕃侍御云佳篇腴味邁酸鹹欲拜郇廚賜轉巖吟苦舌難消酒福索枯
腸莫潤詩饑三齊彈缺情殊鄙半魯開筵話不凡何日菜園羊許踏臙神應
悔爲司監苦熱云茂蔭乘涼熱未停移牀風檻當虛庭閒雲吐月急如鳥密
樹含星疏誤螢買夏苦難消永晝感時直欲問蒼冥浩歌一臥清風篔簹首
銀河倦眼醒丁未冬辱贈拙詩題辭以瞿園爲雙圃字之象形期許過大令
余滋赧未語云瞿瞿信良士唐魏非窮檐可謂實獲我心矣余舊有句云尊
園半畝養窮迂短夢驚回此集枯細讀毛詩參一諦不能良士且狂夫

會稽謝謫復文達有句云殊方花有態別樹鳥同聲長白國雨樵蘇有句云
獨夜誰人數杯酒異方嘯鳥一般聲二詩用意相似兩樵性灑落不拘小節
自曠云名妓從來無粉黛冷官未必不人才君王愛揚云亭石偏賞人間沒
字碑其風趣可想謫復有詩一卷名借眠草堂吟皆紀遊之作摘其佳句如
村園孤塔迥水臥半帆流石影圓如佛鳥嘯秋入禪谷鳥驚人去溪花壓擔
嬌中歲情懷待絲竹片時晴雨有炎涼鳥翻舌比能言士柳展眉如新嫁娘
等是人間一游戲夢時蝴蝶醒時花俱有新致

易實甫嶺南觀劇竹枝云青紗衫子碧羅裳三月羊城熱似湯親解榴裙教
婢疊衆中偷得一分涼沸座笙歌語不聞窺他倦意已三分玉顏知有狂奴
看故展菱花掠鬢雲略點胭脂暈頰滿更添眉黛襯秋波儂家自有真顏色
却笑名優傅粉多飛絮飛花滿鬢絲鎖魂無奈冶春時廉夫老去風情在自
向天涯唱竹枝殊饒風趣又聽盲女度曲云羊城聽曲到中宵盲妹清歌韻

更嬌不分三條弦子上聲聲彈出月如潮滬上曾聽小廣東當時年少已成
翁美人紅玉今黃土淚比吳娘暮雨同所謂紅玉者姓左氏在滬上名噪一
時有小廣東之稱今則物故久矣十年前見人贈左小紅玉詩云清風明月
屬珠孃裂帛聲從扇底香好是當筵花解語勸郎醒酒喫檳榔未知即小廣
東其人否詩見海上治遊記

甯河王襄臣遊戎變工詩古文詞庚子畿輔亂馳馬渡河巡漕爲亂民所殺
不獲其尸時人傷之所著秦園詩草爲其弟卓生前輩傳刊存錄其秋日感
懷云紅塵滾滾壓煙衢下走依然溷賤夫北地人歸迎塞鴈西風鄉思澹江
鱸暑收婪尾征衣簿月上稍頭客館孤壯志漸銷徒自惜論才猶許賦三都
雲氣昭祥近北辰西山佳氣接城闌公卿甲第笙歌富文武寅恭閱閱新函
省鑪香搖畫筵槐街綵綺擁朱輪青衫落魄今無憾決策何關蟻蝨臣美人
香草繫幽思抑鬱空悲運數奇月滿喬枝烏失所兩滋竹實鶴愁飢重離日

近雲陰蔽始肅風寒草木知吟罷子山枯樹賦長歌倚劍尚雄姿蕭瑟涼風
洗暮氛空階絡緯不堪聞六街煙樹含秋色幾處園林澹夕曛竊附朱陳居
北第羞隨絳灌典南軍長安陌上多芳草回首城頭望白雲俯仰身世時有
網繆未雨之思襄臣平生經濟于此可見一斑矣為文亦豪邁桐城吳摯甫
京卿汝輪甚為激賞今此存者止杞憂撫言一卷而已

襄臣集中警句如天光入遙野雲影點平沙寒燈照窗影積雪照庭陰香篆
綠紗出茶煙入竹迷夜風吹鐵馬寒水活金魚黑暗深林疑鬼瞰荒孤涼冢
有狐鳴名族衰微多皂隸窮檐冷落少鷄豚風入虛堂人獨坐樹眠午日鳥
無言田間水漫翻龍骨林下風疎墮雀翎癡雲不放初升月冷雨頻催欲落
花牧客簑寒拳似蝟估船帆重緩于牛水邊一鳥窺蓮葯雨後羣蜂鬧藥闌
樹陰亭午鳥聲靜胡蝶一雙春夢圓皆清穩濃厚似宋元人筆意旅夜書懷
有莫遺愁心悲白屋願留病骨報彤廷從來才士皆窮相莫問蒼天負此生

余
齊
詩

宣統二年春仲

林蘭

今齊諧卷一

蹇蹇手輯

京師酒鬼二則

山左諸生李某豪於酒館京師正陽門外每夕必赴天橋某酒樓盡醉乃返一夕月明如晝李醉後乘輿踏月過天壇左近之荒僻處見二人踉蹌而前其一曰蠢奴量不足三升欲與我角較若非讓爾一籌當令爾醉死其一曰君誠江海量僕不敢望下風然角指之時有以食指作鈎曲狀者殊無丈夫氣李醺醺時聞所言甚了知爲被酒客盛氣搶入二人之前曰二君豪飲能再戰乎二人連退數步各呼曰不敢不敢直趨橋下忽不見李始驚爲鬼汗沾衣宿醉頓醒亟賃小車而歸恆謂人曰人莫佳於以酒死吾見二鬼死後尙沈沈在醉鄉中南面王當不易也逾數月李果以醉死語有之人之所欲天必從之李生此行殆將與二鬼把臂入林乎

其二

于生鳳翔浙人也與其鄉人某甲善甲旅京師備書某衙署五年矣作簡招于來京比于至而甲死已數日于不知也于以困於舟車卸裝之夕沽酒挑燈獨酌甲忽掀簾入執手道契闊甚歡于曰酒少而故人至殊不盡興命備多備數壺酒作長夜之談酌至四更甲豪飲連盡數十鍾起曰人已靜矣移樽至後院星月之下嘯吸涼氣何如于從之持燭挈樽前行忽風滅燭甲把于袂慘然曰弟已爲異物兄來京可瓜代余備書之任已有遺言託諸某司員矣于大驚慟曰君果已死乎旅櫬歸故鄉弟之責也甲拜曰能如是弟瞑目矣請從此別出院而寂于懼急回房燃燈甲忽自燈下出告于曰請君在西安門外某酒樓下奠酒三斗弟當與兄再晤言訖不見翌日于如言而往肆主人扃門不得入以酒澆門外地祝曰請君來享急命車馳歸是夕見夢曰兄不爽約良佳然所奠之酒皆被長安豪鬼奪去此後見賜呼弟名者三毋忘也于篤友誼由是每自酌必三呼甲名奠三杯而後飲以爲例焉

偷神

客有泛舟揚子江者偶步江岸拾一木偶類神像長約四寸面目模糊不可辨漫置之袖中登舟置諸枕畔乃竟夕不能成寐甫交曉聞耳際若有呼者曰偷偷細審其聲則出諸枕畔之木偶始尙微語繼乃加以恫喝不勝其擾不得已潛起取舟子草履擲之牀下聲亦寂然心竊怪之而未便言也次夕復有呼之者曰偷偷擾至半夜不得已又潛起暗中摸索取同艙者之襪歸次早同艙者起覓襪不得大聲怒罵客驚醒急揖而告以故並還其襪且還舟子之草履出枕畔木偶示於衆曰此教我作賊之神也衆人環笑而譁笑曰乃有偷神無惑乎風俗之日偷也舉而投之於江怪亦遂絕

順德店中之黑氣

葉景二生由大梁入都應京兆試行次順德府晚宿逆旅上房先有客二生宿在廂倚枕之際覺有涼氣自牆隙出砭人肌骨睇視之則黑氣一縷如濃

烟由牆隙達於窗隙由窗隙達於窗外二生心異之窗外月光如畫由窗之他隙窺之見黑氣直達於上房之窗隙蜿蜒而入如蛇之赴壑方愕然欲窮其變俄聞上房有客呼店主人而問曰近處有無醫生同行者病急須一診主人答以醫詎此不遠當往速之來上房客曰甚好宜即往既而又問曰請醫者是否已往答曰往而未歸也上房客曰可母往也病者已死矣二生大駭視頃間所見黑氣仍縷縷然由左廂而入於上房之窗隙色更濃如墨染店中宿客聞有病死相繼而起二生方欲指示衆人乃雄雞一鳴黑氣忽已不見益驚疑遂不言其故急飭僕人駕車匆匆而去

黃奶奶

癸巳秋友人鄭君以急病使使來告余聞而往候之既至則鄭君昏不知人見其小妻金氏詢以病勢若何服何人之藥金氏對以症屬吐瀉並未延醫所服藥係黃奶奶所給詰以黃奶奶何人則笑而不應固詰之始囁嚅言曰

老夫姓党名同曉字圓叟便是手中也有分家私腹內頗通些文理弄一個沒頭沒腦前程做一位半真半假名士單包攬做那些婚嫁對聯也代筆詢幾句送迎書啓上而州縣衙門下至倉巡驛使也是我命中帶貴諸公見了歡喜任他古執番妝沒奈我才鑽軟美設套數以羊易牛得便宜將蝦釣鯉要犬吠(伏地作狗叫介)頂學三聲但殺雞(半跪作割雞介)也去半跪莫說對官長終縮頸低頭便是那廝役們也要與他交頭接耳你道世間那一個不好奉承(自稱介)那個像區區這般行止不但結交仕宦又好哄騙鄉里有一等曉得的笑我羊質虎皮那不曉得的就道我是鳳毛麟趾因此上申了些阿堵家兄又生下個吾黨小子(自指面介)雖然像幾分花面(拍肚介)却沒有此中墨水況且性帶風騷(搖頭介)噫只怕壞了我這家傳詩禮不免訓戒一番教他如此如此(向內介)孩兒出來有話講(丑花面巾服搖擺上介)

(前腔)搖搖擺擺擺搖搖烏角巾方粉底牢驕兒頗自驕高堂也未高待

把這烟樓終跨了

小子党連成是也家父有請只得出來(見介)(作揖首至地介)父親在上孩兒拜揖(淨喜介)好禮數我兒的腰支怎麼這樣軟熟起來(丑)孩兒的腰支就與父親膝頭一般都是操演過來的(淨笑介)我兒你如今長成了只是這些世故你還不十分透徹今日閒暇無事特喚你出來指示一二你須索聽者(丑作拱立聽介)(淨唱)

呂中(別銀燈)假山人奔趨市朝使不着些兒簡傲他憑將富貴妝腔調你須索強陪談笑拚呵唇又何妨折腰你若能如此那裡還有結納不來的便鐵石也須傾倒

(丑)依父親說孩兒只是一概諂媚便了(淨笑介)這又不可難道個個都要去詔奉他

(前腔)過謙恭原爲勢豪這軀殼時而大小纔見貧儒氣便高他有甚餘光

可照莫相交(舉手介)略周旋便了木居士怕來纏擾

(前腔)丑)坐書齋文章懶鈔頗解這二分機竅你耳提面命無他詔大約是添花媚灶倚窮交棄如弁髦(掛介)敢不領秘傳家教

(淨喜介)妙妙妙這纔是我老寫的接手哩

淨 非吾偏勢利 舉世盡炎涼

丑 不是燕山桂 何須教義方

第四齣 團圓

(長相思)(貼抱文集上)掩紗窗啓紗窗逐日閨中也恁忙攤書滿繡牀 伴紅妝學紅妝試嗅梅梢撲鼻香難由自主張

自家袁小姐待兒雙鬢便是自從老爺亡後夫人單守着這位小姐果然生得十分姿容百般伶俐懶問家常瑣屑只好翰墨詩詞早間吩咐院子向書坊買了這幾部文集道都是當今才子(笑介)啼我家小姐是一副彈才子的天平兒只怕道文集

又要取笑哩且放在此待小姐來看則個(置桌子上介)

商調引子(鳳凰閣)(旦上)酷耽書史那更慵拈花繡種將萱草解忘憂願得北

堂人壽年門非舊苦守定殘書半樓

家有書倉取次開錦囊斑管繞妝臺雖慙世上奇男子贏得閨中女秀才奴家袁氏小字寶霞揚州人也爹爹曾官大郡不幸早亡雖無兄弟相依喜得母親憐愛只爲幼觀書史癖好詩文因此這些姻戚間都叫俺作女中秀才(歎介)雖然浪得虛名畢竟未逢佳偶前日偶作小詩題於花箋之上放在案頭不知怎的轉身就不見了恐被母親瞧見只說奴家浮薄今而後只可看書再不可輕易動筆了(坐介)

通(二郎神)籠雙袖這些時只合倚書窗左右莫使纖毫重入手珊瑚架筆把詩瓢擲向春流(貼)這案上又是門上傳送進來的文集(旦笑介)纔說起文章眉展皺不由人秋波斜溜甚枚鄒怕吳江楓冷好句難酬

雙鬟這幾部敢怕又是不中看的(貼)那書坊人說道都是當今才子的著作(旦

鄰生前繁華事倏忽非其身負負三尺土草沒而烟溼凄惶行路客憑弔淚沾巾故鬼挪揄笑行客勿酸辛金石不可保汝亦後來人

豐神明山

落日他鄉思秋風故國心雲煙空眼底海氣襲衣襟蜃浪扶新壘蟬聲送薄陰鯉魚渺何處一望淚難禁

拿布俞紀功臺

雖是么麼亦朝才豐鄉誰弔此荒臺力扶民政開新法愛弄兵威釀禍胎厄及石碑空矗立哥林鐵室已成灰隔河尙有衣冠塚魂魄千秋歸去來關土居然似竹王夜郎自大亦無妨北軍不振紆籌策西子來歸誤色荒再起馬蹄羞末路廿年牛耳轉降章臺邊誰把殘磚讀秋雨冷桂槩

魯華宮

魯華不比魯靈光劫火無情亦可傷五祚已教虛蓋屋二川安得認咸陽評

多畫筆今何在

扶關西士初建此宮時曾畫工繪佳圖以進於是廣集名畫於其中至拿布命第三此宮始落成復繪圖頒行各蓋經

三百餘年云

時有青衣此出亡

路易十六拿布命第一拿布命第三皆由此宮出奔

三百年來膏血盡銅乾

門外泣先王

塞外秋思吟

五首 錄四

秋半胡天雪已成 篝爐不暖裘裘輕 悲筋動地黃沙暮 過雁橫空白草生 瀚

海久虛都護府 輪臺空弔貳師營 嫫媸不出衛青死 寂寂燕然冷月明

五更胡馬苦悲哀 曉見酋羌出獵回 長技已過晁錯策 巧思誰具祖冲才 濡

泥積神雞柔克發 石爲機變禍胎獨 立西風望故國 海天無數亂雲堆

聞道昆明練海犀 戈船新返玉門西 當關豈必萬人敵 決水惟操千保靈 冠

日龍旌收兇象 秋濤鼙鼓截鯨鯢 不知誰是宗元幹 坐對風霜費品題

么麼蠻觸隱螭牛 割據紛爭局未休 共貢縱難徵簡册 尊王宜早補春秋 近

今風土言多漏 往古圖書散不收 安息條支如可考 甘英功在海西頭